

宋

會

要

宋會要 衮冕

真宗咸平五年二月大理寺丞李坦言臣聞禮行於郊而百神受職焉禮行於社而百貨可極焉是故禮者治國之柄服者飾身之儀歷代成規後王不易臣昨差郊壇助祭竊見助祭之官所服六冕多不依古制又慮後來增減不同按司服云王祭昊天上帝則大裘而冕祭五帝亦如之饗先王則衮冕饗先公則鷩冕祀四望山川則毳冕祭社稷五祀則絺冕祭羣小祀則元冕鄭司農云衮冕之旒天子則十二旒若上公則九旒侯伯鷩冕七旒子男即毳冕五旒孤卿即絺冕三旒今具六冕祭服異同乞行改正詔送太常寺禮院詳定禮既言檢

討如後伏緣冕旒之制度繡畫之等差歷代以來屢有
沿革若循古制須議酌中改作之間安敢輕議周六冕
皆元上纁下元上法天纁下法地兼前後邃延今觀冕
板上下之色皆用元青亦無邃延一失也今檢詳郊祀
錄皇帝祀天地神祇則服大裘冕冕者勉也所以勉人
為高行凡六冕之服皆元上纁下冕既大同無以為別
故不謂冕為服但取畫章之異以為立名故用服名冕
一六冕之旒數若大裘冕即無旒若衮冕天子十有
二旒前後邃延上公即九旒每旒五采就為之每一寸
安一玉玉皆五色朱白蒼黃元諸侯即三采夏商朱綠
皆周而復始十二旒旒各一尺二寸用玉二百八十八

若上公九旒用玉百六十二今覲旒玉純用一色其數不與昔同是二失也今檢詳凡饗廟謁廟及遣上將征還飲至則服衮冕其冕垂白珠十有二旒以組為纓色如其綬玉藻云天子玉藻十有二旒前後邃延龍衮以祭鄭元云冕之旒以藻紉貫玉為飾因以名也十有二就每一就貫一玉就間相去一寸則旒長尺二寸垂齊肩也五采者依射侯之次從上而下初以朱次以白次以蒼次以黃次以元以五采正既貫徧周而復始此並周制也至漢明帝用曹褒之說皆用白旒珠與古異也魏文帝好婦人飾改用珊瑚珠至晉江左又改漢制今用白珠之制自漢始焉大戴禮曰冕而加旒以蔽明也

隋牛引云請以采紕貫珠為旒後只言采不言五采是三失也今檢詳義纂云周禮衮冕以五采綜紃貫玉前後各十二旒用玉二百八十八也秦除古制漢明帝始采蓋法繫白玉珠為旒以組為纓黼纁充耳元衣纁裳十二章唐制入廟踐祚加元服納后元日受朝及臨軒冊拜公主則服之是承漢禮也又周天子衮冕十有二旒十有二就就貫一玉就間相去一寸則旒長尺二寸各用十二玉也又按郊禮錄云其服元衣纁裳十二章云云詳服請按古今沿革特行改正詔付有司依坦并禮檢討名件制度改正務合先王禮意大中祥符元年四月二十五日詳定所言按六典天子之服冕一曰

大裘冕無旒裘以黑羔皮為之祀天神地祇則服二曰
衮冕垂白珠十有二旒黻衣纁裳十有二章饗廟謁廟
告廟則服今叅詳封禪祭天地準典禮皇帝服大裘又
緣南郊合祭天地止服衮冕欲封禪日依南郊例從之

宋會要 衮冕

神宗元豐元年十一月二日詳定郊廟禮文所言周禮
弁師掌王之五冕五采繅十有二就皆五采玉十有五
鄭氏注謂合五絲為繩垂於延之前後各十二所謂遠
延也賈公彥曰以青赤黃白黑五貫於藻繩每玉間相
去一寸十二玉則十二寸以一玉為一成結之使不相
并此據衮冕前後二十四旒孔穎達曰旒長尺二寸故

垂而齊眉也。至後漢明帝用曹褒之說，乘輿服冕係白
玉珠為十二旒，前垂三寸，遂失古制。今之衣服令乘輿
服袞冕垂白珠十有二旒，廣一尺二寸，長二尺四寸。蓋
白珠為旒，用東漢之制，而其冕廣長之度乃自唐以來
率意為之，無所稽考。景祐中已經裁定，以叔孫通漢禮
器制度為法，凡冕板廣八寸，長尺六寸，與古制相合，更
不復議。今取少府監進樣，如以青羅為表，紅羅為裏，則
非弁師所謂元冕朱裏者也。上用金稜天板，四周用金
絲結網，兩旁用真珠花素墜之類，皆不應禮。伏請改用
朱組為紘，玉笄玉瑱，以元純垂瑱，以五采玉貫於五色
藻為旒，以青赤黃白黑五色備為一玉，每一玉長一寸。

前後二十四旒垂而齊眉孔子曰麻冕禮也今也純儉
吾從衆釋者曰純絲易成故從儉今不必績麻宜表裏
用緇庶協孔子所謂純儉從衆之義從之

全唐文

宋會要 冕冠

建隆天聖
景祐治平
元豐
熙寧

治平二年詔裁定衮冕制度禮院奏曰皇朝之制天子
之服有衮冕前後十有二旒二纓並貫珠璣又十有二
碧鳳銜翠旒在珠旒外板以龍鮮錦表上綴玉為七星
旁施琥珀瓶犀瓶各二十四綴金絲網鈿以珠璣雜寶
玉如紫雲白鶴錦衣四柱飾以七寶衮服間以雲采飾
以金釵花鈿窠裝以珠璣琥珀雜寶玉祭天地宗廟朝
享太清玉清昭應景靈宮等服之元豐四年臣僚言古
者冕弁則用絃冠則用纓今衣服令乘輿服大裘冕以
組為纓色如其綬衮冕朱絲組帶為纓冕而用纓不與

禮合請改用朱組紘仍改平冕為元冕用纓不赤而微黑者又別圖上報制從之

宋會要

太祖建隆元年二月十九日太常禮院言請具通天冠制度令式二十四梁加金博山附蟬十二高廣各一尺青表朱裏首施朱翠黑介憤組纓翠綫玉犀簪導仁宗天聖二年南郊禮儀使李維言皇帝郊祀服通天冠綠上一字準勅迴避詔改為承天冠中興之制冠高九寸服用並同神宗元豐二年八月二十九日詳定郊廟禮文所言通天冠二十四梁為乘輿服蓋二十四梁以應冕旒前後之數至於綬則乘輿及皇太子以織成諸臣

用錦為之詔依

宋會要

景祐二年八月二十七日續詔通天冠更不修製外平
天冠天板元闊一尺二寸長二尺四寸今製造廣八寸
長一尺六寸減翠旒并鳳子前後使二十四珠旒並合
典制天板頂上元是織成龍麟錦為表紫雲白鶴錦為
裏今製造使青羅為表彩畫出龍麟紅羅為裏絲畫出
紫雲白鶴所有上面犀瓶子琥珀瓶子各二十四箇今
減不用金絲結網子上舊別有金絲結龍八條今減四
條亦減金絲令細天板四面花墜子素墜子依舊減輕
製造冠身并天柱元是織成龍麟錦今用青羅彩畫出

龍麟金輪等七寶元造真玉碾成今更不用如補空却
以雲龍細窠分旒玉鈞二枚今減不用天河帶組帶款
慢帶依舊只減輕織造納言元使玉製造今來使青羅
絲畫出龍麟錦依舊金稜上面稜道依舊使金即舊減
輕製造 藍纈玉簪

宋會要 諸臣冕

哲宗元祐元年太常寺言舊制大禮行事執事官並服祭服餘服朝服至元豐三年八月二十二日詳定郊廟奉祀禮文所言禮記曰三公一命衮則三公當服鷩冕詩曰毳衣如茨則上大夫卿當服毳冕周禮典命曰公之孤四命又曰王之大夫四命其衣服各視其命之數公之孤其服自希冕而下則王之大夫當服希冕諸侯卿大夫之服自元冕而下則王之士當服元冕所謂周人冕而祭也司服曰孤之服自希冕而下卿大夫之服自元冕而下士之服自皮冕而下此諸侯之臣助祭服也然而不著王朝公卿大夫士之服者蓋舉下以見上

可比義而知也然今官名雖與古不同以唐六典考之
吏部尚書注曰周之天官卿也侍郎注曰周之小宰中
大夫也負外郎注曰周太宰屬官上士也今約之六典
參以今之班序伏請資政殿大學士以上侍祠服鷩冕
觀察使以上服毳冕監察御使以上服希冕朝官以上
服元冕選人服爵弁從之惟不用爵弁供奉官以下至
選人皆服元冕無旒徽宗大觀四年議禮局官宇文粹
中上所編祭服制度曰古者冕以木版為中廣八寸長
尺六寸後方前圓後仰前低染三十升之布元表朱裏
後方者不變之體前圓者無方之用仰而元者弁而辨
於物使而朱者降而與萬物相見後世以緇易布故純

儉今羣臣冕版長一尺二寸濶六寸二分非古廣尺之制以青羅為覆以金塗銀稜為飾非古元表朱裏之制乞下有司改正古者冕之名雖有五而繅就旒玉則視其命數以為等差合絲絲為繩用以貫玉謂之繅以一玉為一成結之使不相并謂之就就間相去一寸則九玉者九寸七玉者七寸各以旒數長短為差今群臣之冕用藥玉青珠五色茸線非藻玉三采二采之義每旒之長各八寸非旒數長短為差之義又獻官冕服雜以諸侯之制而一品服衮冕臣竊以為非宜元豐中禮官建言請資政殿大學士以上侍祠服鷩冕觀察使以上服毳冕監察御史以上服希冕朝官以上服元冕選人

以上服爵弁詔許之而不用爵弁供奉官以下至選人
盡服元冕無旒臣竊謂依此叅定乃合禮制古者三公
一命衮則三公在朝其服當鷩冕蓋出封則遠君而伸
在朝則近君而屈今之攝事及侍祠皆在朝之臣也在
朝之臣乃與古之出封者同命數非先王之意乞下有
司制鷩冕八旒毳冕六旒希冕四旒元冕三旒其次二
旒又其次無旒依元豐詔吉叅酌等降為侍祠及攝祭
之服長短之度采色之別皆乞依古制施行又按周禮
諸侯爵有五等而服則三所謂公之服自衮冕而下侯
伯自鷩冕而下子男自毳冕而下是也古者諸侯有君
之道故其服以五七九為節今之郡守雖曰猶古之侯

伯其實皆王臣也。欲乞只用羣臣之服。自鷩冕而下。分
為三等。三都四輔為一等。初獻鷩冕。八旒。經畧安撫鈐
轄為一等。初獻毳冕。六旒。亞獻並元冕。二旒。終獻無旒。
節鎮防團軍事為一等。初獻希冕。四旒。亞終獻並元冕。
無旒。其衣服之制。則各從其冕之等。又曰。今之結組。仍
綴兩繒帶而結於頤。冕旁仍垂青纒。而不以瑱以犀為
簪。而不以玉笄象笄。並非古制。乞下有司改正。從之。政
和議禮局言。大觀中所上羣臣祭服制度。已依所奏。修
定。乞付有司。依圖畫製造。既又上羣臣祭服之制。正一
品九旒。冕金塗銀。稜有額。花犀簪。親祠大神。使亞獻。終
獻。太宰少宰。左丞。每歲大祠。宰臣親王執政官郡王充。

初獻服之奏告官並依本品服已下准此從一品九旒
冕無額花餘如正一品服親祠吏部戶部禮部兵部工
部尚書太廟進受幣爵奉幣爵宗室每歲大祠捧俎豆
大祠中祠初獻官服之二品七旒冕角簪親祠吏部侍
中殿中監大司樂光祿卿讀冊官太廟薦俎贊進飲福
宗室七祠配享功臣分獻官每歲大祀謂用宮祭者大
司樂大祠中祠亞終獻大祀禮官小祀獻官朔祭太常
卿服之三品五旒冕親祠舉冊官大樂令光祿丞奉俎
饌籩豆簋蓋官分獻官分獻壇壝從祀太廟奉瓚樂薦
香燈安奉神主毛血槃蕭蒿篚肝腎豆宗室每歲祭祠
大樂令大中祠分獻官服之無旒冕奉禮協律郎郊社

令太祝太官令親祠擡鼎官進搏黍官太廟供亞終獻
金華供七祀獻官木爵官服之五旒冕紫纁施衣餘如
三品服監察御史服之州郡祭服三都初獻八旒冕經
畧安撫鈐轄初獻六旒冕亞獻並二旒冕終獻無旒冕
節鎮防團軍事初獻四旒冕亞終獻並無旒冕中興之
後省九旒七旒五旒冕定為四等一曰鷩冕八旒二曰
毳冕六旒三曰希冕四旒四曰元冕無旒其義以公卿
大夫士皆北面為臣又近尊者而屈故其節以八以六
以四從陰數也先是紹興四年五月國子監丞王普奏
言臣嘗攷諸經傳具得冕服之制蓋王之三公八命鷩
冕八旒衣裳七章其章各八孤卿六命毳冕六旒衣裳

五章其章各六大夫四命希冕四旒衣裳三章其章各
四上士三命元冕三旒中士再命元冕二旒下士一命
元冕無旒其纁至筭衡紘紕瑱纁皆有等差近世冕服
制度沿襲失真多不如古夫後方而前圓後昂而前俯
元表而朱裏此冕之制也今則方圓俯仰幾於無辨且
以青為表而飾以金銀矣其衣皆元其裳皆纁云云詳
服臣伏讀今之會要郊廟奉祀禮文祖宗以來屢常講
究第以舊服無有存者欲乞因茲改作是正訛繆一從
周制以合先聖之言尋禮部契勘奏言衣服之制或因
時王而為之損益事雖變古要皆一時制作不無因革
或考之先王而有繆戾者雖行之已久不應承誤裝非

憚於改正按周官自上公服衮王之三公服鷩以至士服元冕凡五等唐制自一品服衮冕九旒至五品服元冕無旒亦五等國家承唐之舊初有五旒之名其後去三公衮冕及希冕但存七旒鷩冕五旒毳冕與無旒元冕凡三等而已衮服非三公所服去之可也乃併希冕去之自尚書服毳冕以至光祿丞亦服焉貴賤幾無差等此皆一時制作不無因革今合增鷩冕為八旒增毳冕為六旒復置希冕為四旒并及無旒元冕共四等庶幾稍合周制若冕之方圓低昂至於無辨則製造之差也皆宜改正施行是時諸臣奏請討論雖詳然終以承襲之久未能盡革也鷩冕八旒每旒八玉三采朱白蒼

角筭青纒以三色統垂之絃以紫羅屬於武宰相亞終
獻大禮使服之前期景靈宮太廟亞終獻明堂滌濯進
玉爵酒官亦如之毳冕六玉三采六部侍郎服之服之
前期景靈宮太廟進爵酒幣官奉幣官受爵酒幣官爲
俎豆明堂受玉爵受玉幣奉徹遵豆進飲福酒徹俎祝
腥贊引亞終獻禮儀使亞終獻爵并盥洗官四員並如
之前二日奏告初獻社壇九宮壇分祭初獻亞獻亦如
之希冕四玉二采朱綠光祿卿監察御史讀冊官舉冊
官分獻宮以上服之前期景靈宮太廟奏奉神主官明
堂太府卿光祿卿沃水舉冊官讀冊官押樂太常卿東
朵殿三員西朵殿二員東廊二十八員西廊二十五員

南廊二十七員戟門祭獻官前二日奏告亞獻終獻官
監察御史並如之社壇九宮壇分祭終獻官監察御史
兵工部光祿卿亦如之元冕無旒光祿丞奉禮郎協
律郎進搏黍官太社令良醞令太官令奉俎饌等官供
祠執事官內侍以下服之明堂光祿丞奉禮郎良醞郎
太祝搏黍官宮架協律郎登歌協律郎奉御官內侍供
祠執事官武臣奉俎官戟門祭奉禮郎太祝令太官令
社壇九宮壇分祭太社太祝太官令奉禮郎並如之紫
檀冕四旒博士御史服之外州軍祭服鷩冕八旒三都
初獻服之毳冕六旒經畧安撫鈐轄初獻服之希冕四
旒經略安撫鈐轄亞獻服之節鎮防圍軍事初獻亦如

之元冕無旒節鎮防團軍事亞終獻服之徽宗政和
三年議禮局上群臣祭服之制正一品九旒冕金塗銀
稜有額花犀簪親祠大理使亞獻終獻太宰少宰左丞
每歲太祠宰臣親王執政官郡王充初獻服之奏告官
並依本品服已下准此從一品九旒冕無額花親祠吏
部戶部禮部兵部工部尚書太廟進受幣爵奉幣爵宗
室每歲大祠捧俎官大祠中祠初獻官服之二品七旒
冕角簪親祠吏部侍郎殿中監大司樂光祿卿讀冊官
太廟薦俎贊進飲福宗室七祀配享公臣分獻官每歲
大祀謂用宮架者大司樂天祠中祠亞終獻大祠禮官
小祠獻官朔祭大常卿服之三品五旒冕親祠舉冊官

太樂令光祿丞捧俎饌邊豆盞盞官分獻官分獻壇壝

從祀

太廟奉瓚盤薦香燈安奉神主奉毛血槃蕭蒿篚

肝腎豆宗室每歲祠祭太樂令大中祠分獻官服之無
旒冕奉禮協律郎郊社令太祝太官令親祠擗鼎官進
搏黍官太廟供亞終獻金華供七祀獻官執爵官服之
五旒冕監察御史服之州郡祭服三都初獻八旒冕經
畧安撫鈴轄初獻六旒冕亞獻並二旒冕終獻無旒節
鎮防團軍初獻四旒冕亞終獻並無冕旒

諸色袍

全唐文

宋會要

黃袍

高宗紹興五年四月二十九日禮部大常寺言得旨五月二日車駕詣廟別廟行款謁禮緣其日章懷皇后忌前一日皇帝合服黃袍叅酌禮例是日皇帝自內中先服紅袍詣大廟別廟行禮畢還內俟至宮中易忌前之服從之

宋會要

縵紗袍

乘輿服制天子絳紗袍以織成雲龍紅金條為之紅裏皂標襖裙白羅中單蔽膝以紅紗紅羅裏詔與紅羅裙紅紗裏白羅方心曲領餘同大祭祀致齋出乘玉輅入

照下方排
碼排次

卷五十五百十四

乘金輅正冬大會五月初受朝則服之 太祖建隆元
年二月九日太常禮院言準敕進尊四廟皇帝御崇元
殿命使行冊禮袞龍服五月一日御殿受朝通天冠絳
紗袍伏請下內中尚司與少府監計會修製詔可 十
九日太常禮院言準少府監牒請具袞龍衣絳紗袍通
天冠制度令式通天冠如金博山附蟬十二首施朱翠
黑介幘髮纓翠綬玉簪導絳紗袍白紗中單朱領襟襖
襪白襪襦絳紗蔽膝白假帶方心曲領其帶銀珮綬與
上同白鞵黑烏詔可 神宗元豐二年四月二十三日
詳定正旦御殿儀注乞元日受朝賀服通天冠絳紗袍
從之四年十月二十二日詳定郊廟奉祀禮文所言今

儀注車駕赴青城服通天冠絳紗袍祀之日乃服靴袍
至大次服袞冕臨祭非高質之義 哲宗紹聖三年十
月七日工部侍郎高遵惠言準朝旨祀北郊通天冠絳
紗袍慮當暑月合行裁制接天聖衣服令袞冕大綾六
段黑黃白縹緜小綾三色同大綾間施三五環所有減
去指與大綾一重只長二尺五寸即於禮典別無制度
伏乞量宜製造 徽宗政和三年四月二十九日議禮
局上皇帝冕服之制通天冠二十四梁加金博山附蟬
高一尺廣一尺犀鬚導朱絲組帶為纓絳紗袍織成雲
龍皂羅縹緜紅羅為裏絳紗裙縠膝如袍飾玉皂羅縹
繡雲龍白羅方心曲領革帶餘同冕服大祭祀致齋指

景靈宮大廟行宮禮畢還宮元正冬至大朝會臨軒冊
命皇后皇太后諸王大臣親耕藉田服之詔頒行 孝

宗紹興三十二年未改元七月十二日禮部太常寺言奉

上光堯壽聖太上皇帝聖壽太上皇后冊寶行禮日太

上皇帝合服通天冠絳紗袍皇帝亦服通天冠絳紗袍

續御藥院狀竊慮行禮日近製辦不及有旨將來上上

皇帝受冊寶禮日恭請服履袍 乾通七年二月十二

日禮部太常寺言續討論到禮例皇帝服通天冠絳紗

袍御大慶殿冊皇太子及諸大廟別廟行禮合服袞冕

從之晨裸皇帝服通天冠絳紗袍至大次 興隆二年

十月三日禮部太常寺言勘會逐次郊祀大禮皇帝自

青城至大次并禮畢自大次還青城並係服通天冠絳

紗袍乘大輦今未欲乞並服通天冠絳紗袍乘大輦詔

從之籍田大宗端拱元年正月十五日帝齋於乾元

殿翌日鑿駕出宮備大駕鹵簿於丹鳳門外帝服通天

冠絳紗袍執圭乘玉輅赴東郊行宮齋宿十七日親耕

禮畢解嚴還行宮百官稱賀帝改御大輦服通天冠絳

紗袍鉦吹振作而還御乾元門肆赦改元文武遞進官

有差徽宗政和元年八月議禮所條具者八第一乞

躬耕之服止用通天冠絳紗袍百官並服朝服六年閏

正月二十七日詔親耕籍以玉輅載耒耜乘大輦用法

駕黃麾仗道駕官朝服結佩耕籍使以儀仗二千人護

銜未耜質明先詣壇所詣藉田服鞞袍御平輦耕藉服
通天冠絳紗袍至思文殿進食後行禮畢放仗常服還
內令修定儀注高宗十五年十一月禮部大常寺言
將來親耕藉田是日車駕服履袍乘平輦詣思文殿進
膳畢服通天冠絳紗袍行親耕之禮從之

宋會要

履袍

朝饗太廟行禮儀注車駕詣大廟前享一日皇帝於景
靈宮朝獻畢既還大次禮部郎中奏解嚴訖皇帝入齋
殿文武侍祠行事執事助祭之官非從宗室先詣大廟
祠所其日禮直官宣舍人引禮部侍郎詣大次前奏請
中嚴少頃又奏外辦皇帝服履袍自齋殿詣大次出行

禁衛諸班親從等諸司祇應人員以下迎駕奏聖躬駕
福車駕自齋殿詣太廟其日文武侍祠行事執事助
祭官宗室先詣太廟祠所其從駕臣僚並服常服就次
有司進葷於齋殿其從駕臣僚並俟從駕次禮直官宣
贊舍人引禮部侍郎奏請中嚴少頃又奏外辦皇帝自
內服履袍詣齋殿即御座鳴鞭行門禁衛諸班親從等
諸司祇應人員以下各自贊帝起居

宋會要

雜禮

孝宗乾道九年十二月十七日禮部太常寺狀勘會將
奉正旦朝賀今欲比附政和五禮新儀月朔親朝儀皇
帝御大慶殿服雜袍即御座皇太子文武百僚並服常

服稱質所有合設黃麾半伏乞令兵部排辦施行有旨
依宮中尊從

宋會要

儀仗錦袍

鹵簿中道金吾本司纛稍佩儀刀執標稍錦帽寶照錦
袍錦臂鞞革帶烏皮鞞 大駕鹵簿內中服之制執金
吾標稍版錦袍帽臂鞞銀帶烏皮鞞

宋會要

文綬袍

宮中尊從唐以前無聞馬五代漢乾祐中始置主筆十
六人捧足一人掌扇四人持踏牀一人並服文綬袍銀
葉弓脚幞頭

宋會要

高麗使臣

宮中導從五代漢乾祐中始置新婦二人高髻青袍

宋會要

雜記

宮中導從捧真珠七寶翠毛華株二人衣緋袍

全唐文

宋會要

儀禮

鹵簿三駕國朝之初將舉郊禮以五代革創官籍散落始命有司詳定制唯得長興南郊鹵簿字圖校以今文頗有闕畧違戾者翰林學士承旨陶穀為禮儀使建議鹵簿內金吾及諸衛將軍導駕及押仗舊服紫衣請依開元禮各服本色繡袍

宋會要

儀禮

大駕鹵簿內中服之制 橫刀執弓箭珂馬千牛服袍脚僕頭緋繡袍抹額大口袴銀帶鞞靴前馬隊內折衝及執稍者服錦帽緋繡袍銀帶隊正服平巾幘緋繡袍

大口袴 朱雀隊內執弓箭弩稍虞候飲飛執長壽幢
寶輿法物人服平巾幘緋繡袍大口袴銀帶 駢衛翊
衛三隊服平巾幘緋繡袍大口袴錦膝蛇大常主帥翊
鼓金鈺節鼓人服平巾幘緋繡袍大口袴袜帶錦膝蛇
六引內巾服之制鏡吹部內服平巾幘緋繡袍白袜
帶白袴餘悉同大駕前後部

宋會要

卷之九

大駕鹵簿內巾服之制金吾上將軍將軍六統軍千牛
中郎將服花脚幘頭抹額紫繡袍佩牙刀珂馬諸衛大
將軍將軍中郎將折衝果毅散手翊衛服平巾幘紫繡
袍大口袴錦膝蛇銀帶佩橫刀執弓箭千牛將軍服平

中饋紫繡袍大口袴銀帶鞞靴金吾押牙服金鵝帽
紫繡袍銀帶凡繡文金吾衛以辟邪左右衛以瑞馬
驍衛以雕虎屯衛以赤豹武衛以瑞鷹領軍衛以白澤
監門衛以師子千牛衛以犀牛六軍以孔雀樂工以鸞
宮中導從太平興國初增主輦二十四人改服高
脚幘頭輦一人衣紫繡袍持金塗銀仗以督領之徽
宗政和三年四月二十九日議禮局上皇后鹵簿之制
護後衛各果毅都尉一員檢校平巾幘紫繡袍大口袴
錦膝蛇革帶

宋會要 紫纒繡袍

大駕外仗次步甲前隊第一隊至六隊隊內將軍及都

尉並平巾幘紫袍繡大口袴錦膝蛇革帶繡文並同
次前部黃麾仗大將軍都尉並平巾幘紫袍繡袍大口
袴錦膝蛇革帶繡文並同

宋會要

卷一百一十五

宮中導從執拂翟四人翦頭衣黃繡袍舊衣綾袍紫衣
者悉易以銷金及繡復增司簿一人內增司簿一人內
省一人司儀一人司給一人皆分左右前導凡十七每
至冬御殿祀郊廟步輦出入至垂拱殿即用之

宋會要

卷一百一十五

宮中導從捧金寶山二人衣綠繡袍

宋會要

卷一百一十五

大駕鹵簿內巾服之制執弩弓箭人服錦帽青繡袍銀帶

宋會要

卷一百一十五

大駕鹵簿內巾服之制後步隊真武隊執旗前後部黃麾執日月合璧等旗青龍白虎隊金吾細仗內執旗者服五色繡袍抹額行藤銀帶執白幹棒人加銀褐捍腰執龍旗及前馬隊內執旗人服五色繡袍銀帶行膝大口袴執龍旗副竿人服錦帽五色繡袍大口袴銀帶執引駕龍墀旗六軍旗者服錦帽五色繡袍臂鞬銀帶

宋會要

卷一百一十五

六引內巾服之制 持柶鼓者服平巾幘緋繡封鳳袍
大口袴白袜帶錦膝蛇

宋會要

儀禮

因薄中道次持級前隊隊內左右武衛將軍果毅都尉
校尉並平巾幘然絕繡端鳳袍大口袴錦膝蛇革帶

宋會要

儀禮

徽宗政和三年四月二十九日儀禮局上大慶殿大朝
會儀衛次廂左右各三部第一部左右屯衛大將軍各
一員果毅各一員服飛繡袍同日儀禮局上文德殿視
朝儀衛之制次廂左右各三部次左右廂仗首之南東
西相向第一部左右屯衛大將軍各一員果毅各一員

次大將軍後服飛麟袍

宋會要

禮馬袍

大駕外仗次青龍白虎旗隊次左右衛果毅都尉二人
分押旗兼領後七千騎平巾幘緋純繡瑞馬袍大口袴
革帶 徽宗政和三年四月二十九日儀禮局上大慶
殿大會朝儀衛左右衛果毅各一名服瑞馬袍於玉輅
之前分左右並北向 左右廂各步甲十二隊第一隊
左右衛果毅各一員服瑞馬袍 同日儀禮局上文德
殿視朝儀衛之制左右廂各步軍六隊分東西在仗隊
後第一隊左右衛果毅各一員服瑞馬袍

宋會要

禮馬袍

徽宗政和三年四月二十九日儀禮局上大慶殿大朝
會儀衛左右廂後部各十二隊第一隊左右衛折衝各
一員服錦帽緋繡戎服瑞馬大袍同日儀禮局上文德
殿祀朝儀衛之制左右廂後部各六隊每隊三十八
人在都下親從後東西相向第一隊左右衛折衝各一
員服錦帽緋繡戎服瑞馬大袍

宋會要

大駕外伏並左右廂次前隊及伏隊內左右領軍衛
將軍平巾幘緋繡白澤袍大口袴錦藤蛇革帶

宋會要

此子御前

徽宗政和三年四月二十九日儀禮局上大慶殿大朝

會儀衛 第一部左右領軍衛大將軍各一員 服平
中纁紫繡白澤袍銀帶大口袴錦膝蛇

宋會要

獅子袍

仁宗康定元年九月七日參知政事宋庠上言車駕行
幸六軍儀仗司供到儀仗法物內夾人執弓箭監門校
尉二十八人每門四人並服紫纁繡獅子袍抹額帶儀刀
烏皮靴第七隊監門校尉六人並服紫纁繡獅子袍抹
額帶儀刀烏皮靴

宋會要

赤豹袍

徽宗政和三年四月二十九日儀禮局上大慶殿六朝
會儀衛次後廂左右各三部第一部左右驍衛將軍各

一員服赤豹袍 同日儀禮局上文德殿視朝儀衛之
志次後廂左右各一部次當御廂南左右曉衛將軍各
一員服赤豹袍

宋會要

紫羅繡辟邪袍

鹵簿中通金吾本司蠹稍自上將軍花脚幞頭緋羅繡
抹額紫羅繡辟邪袍鞞

宋會要

紫羅繡辟邪袍

鹵簿中道佩牙刀器仗珂馬大將軍平巾幘紫羅繡辟
邪袍錦腰蛇大口袴押衙金鵝帽紫羅繡辟邪袍革帶
次朱雀旗隊 次右金吾衛果毅都尉二人押隊內
折衝果毅都尉平巾幘紫羅繡辟邪袍大口袴錦腰蛇

革帶 次金吾引駕騎本衛果毅都尉二人分左右平
巾幘緋絕繡辟邪袍大口袴次左右金吾衛果毅都尉
二人總領大角並騎次大角一百二十為十重都尉服
平巾幘紫絕繡辟邪袍大口袴錦膝蛇革帶

宋會要

此中繡絕繡辟邪袍

徽宗政和三年四月二十九日儀禮局上大慶殿大朝
會儀衛真武隊金吾折衝都尉一員服平巾幘紫繡辟
邪袍銀帶大口袴錦膝蛇 同日儀禮局上文德殿視
朝儀衛之制真武隊五十七人在端禮門內中道北向
金吾折衝都尉一員在隊前服平巾幘紫繡辟邪袍銀
帶大口袴錦膝蛇

宋會要

雜錄世臣文法

徽宗政和三年四月二十九日儀禮局上王公鹵簿制
鏡鼓大橫吹服緋繡莖文袍抹額抹帶袴詔頒行

宋會要

雜錄世臣文法

大駕鹵簿內中服之制大常鏡大橫吹服緋莖文袍袴
抹額抹帶

宋會要

雜錄世臣文法

大駕鹵簿內中服之制大常羽葆鼓小橫吹服青莖文
袍袴抹額抹帶

宋會要

雜錄世臣文法

鹵簿中道第二司執大橫吹服執羽葆鼓人青繡莖文

抹額生色袍抹帶袴

宋會要

黃雪花袍

大駕鹵簿內服之制大常大鼓長鳴小鼓中鳴服黃
雪花袍袴抹額抹帶

宋會要

黃縹雪花袍

徽宗政和三年四月二十九日儀禮局上王公鹵簿之
制大鼓長鳴小鼓中鳴服黃縹雪花袍抹額抹帶袴

宋會要

緋縹雪加花袍

大駕鹵簿六引中道執鏡簫笳笛箏篋人並巾幘緋縹
寶相花袍大口袴白抹帶

宋會要

緋縹雪加花袍

大駕外仗執稍人並錦帽緋絕繡寶相袍大口袴革帶

宋會要 青絕繡寶相袍

大駕外仗執弩弓矢人並錦帽青絕繡寶相花袍大口

袴革帶

宋會要 青絕繡寶相袍

徽宗政和三年四月二十九日儀禮局上大慶殿大朝會儀衛執弩五人為一列弓矢十人為二重稍二十人為四重服錦帽青繡寶相花袍革帶大口袴

宋會要 青絕繡寶相袍

大駕鹵簿三引中道次大晟府前部鼓吹管轄指揮使平巾噴紫繡寶相花袍錦燐蛇白抹帶

宋會要 皂衣白袍

公服太宗太平興國七年正月九日翰林學士永旨李昉言準詔定車服制度禮部式三品以上服紫五品以上服朱七品以上服綠九品以上服青流外官及庶人並衣黃參詳除服青服黃久已寢廢自今流外官及貢舉人庶人詳通服皂衣白袍從之

宋會要

賜進士袍

乾道四年十二月二十一日詔特賜同進士出身恩陔之補左迪功郎太學錄仍令有司給賜袍袴

宋會要

釋褐賜袍

乾道四年正月十一日詔太學上舍生黃綸釋褐特與

補左承務郎依唱名例給賜袍笏於國子監敦化堂祇
受自後釋褐並如之

宋會要 戎服大袍

大駕鹵簿六引中道 第二引開封牧中道執弓矢稍人並錦帽純繡寶相花戎服大袍窄袴革帶 大駕外仗次前英馬隊 隊內都尉並錦帽緋絁縵戎服大袍窄袴革帶 六引內中服之制駕士服錦帽絁戎服大袍銀帶

宋會要 戎服大袍

徽宗政和三年四月二十九日議禮局上皇太子鹵簿之制次正道龍旗六各執旗一名前二人引後二人護並戎服大袍佩橫刀弓矢夾道軍副竿二分左右執各一名騎佩服同執旗人決左右廂步隊十六隊每隊各

果毅都尉一名領並戎服大袍次馬隊左右廂各十隊
帥兵官以下三十一人旗一執旗一名引二人夾二人
報稍十六人弓矢七人弩三人並戎服大袍佩橫刀執
旗並引夾人加佩弓矢前第一隊左右清道率府果毅
都尉各一員領第二隊第三隊第四隊左右司禦率府
果毅都尉各一員領第五隊第六隊第七隊左右衛率
府果毅都尉各一員領第八隊第九隊第十隊左右司
禦率府果毅都尉各一員領並戎服大袍 親王鹵簿
第三行廂執稍戎服大袍

宋會要

緋錦金袍

宮中導從捧龍腦合二人衣緋錦金袍並高脚幞頭

宋會要

帶制

凡新除恩度宰相密使知樞密院事參知政事樞密
副使同知樞密院簽書同簽書樞密院事賜金笏頭二
十五兩帶副以魚袋武臣御花仙帶無魚袋使相節度
使宮觀使觀文殿大學士曾任宰相者即賜金笏頭二
十五兩帶副以魚袋餘只賜御仙花帶無魚袋三司使
權及權使觀文殿學士資政殿大學士翰林學士承旨
公事同翰林學士資政殿端明殿翰林侍讀侍講龍圖天章寶
文閣樞密直學士御史中丞兼守並賜金玉仙花二十
兩帶知制誥賜鈔犀帶副以金魚凡出使見任中書樞
密使曾任宰相並使相節度使賜金御仙花二十五兩

未帶宣徽使曾任中書樞密院充諸路都總管安撫使
賜金御仙花二十兩末帶正任防禦使至刺史內容首
使至開門使延福宮使至昭宣使充諸路路分一州總
管鈴轄沿邊知州軍安撫賜金玉仙花二十兩末帶諸
司使充者十五兩容省引進開門副使諸司副使內侍
省內侍押班充諸路沿邊路分鈴轄賜金御仙花十五
兩末帶文臣換武臣並賜塗金銀帶諸司使寶餅二十兩副使
軍班換前班並賜塗金銀帶諸司使寶餅二十兩副使
至崇班寶餅十五兩供奉官至殿直荔枝十兩奉職借
職雙鹿八兩堂後官新除賜塗金銀寶餅十五兩帶仗
衛官雜服紫綠昏給銀帶駙馬都尉初選尚賜白玉帶

高宗上法
開寶元年
二月一條

宗室許通服工夫金帶雕玉白玉通犀牯犀等帶高
宗紹興三年正月六日詔自今年二月一日侍從官依
舊繫金帶如製造不爾許據於左藏庫閱借候製造了
日回納二十八日詔管軍百僚并帶御器祇官朝謝日
武臣授差遣朝辭日依格該賜金帶并許繫並宗室外
正任依舊許繫金帶已賜花犀帶及見繫花犀帶臣僚
除宗室臣僚外餘不許服二月十三日詔神武右軍統
制官楊沂中為收李成有功曾經賜金帶特令許繫赴
朝參其後提舉宿衛親軍張宗彥詔特如沂中五月十
六日詔應殿庭供職橫行依舊許繫金帶赴朝參十八
日詔闈門官依舊許繫金帶赴朝內闕者令於左藏庫

權借六年八月十四日三省行首司言宰執秦檜昨係
資政殿大學士今未除觀文殿學士到闕朝見閤門稱
不合紫笏頭毬文帶詔許服紫舊賜帶宰執因降黜不
帶職並同庶官復職者恩數並合依舊以閤門誤認法
意有司申明故降是命九年四月七日詔太常寺應奉
兼祇應使臣自今可特依閤門兼祇應例服紫紅鞋帶
紹興三十一年六月十九日孝宗己卯
位未改元詔鄂州駐劄
御前諸軍都統制郭振並給賜金帶九月十七日詔差
帶御器械梁珂前去賜吳璘玉帶並傳宣撫問唱賜立
功將士其合用錢物令四川總領所應副候見數具中
尚書省取旨撥還 孝宗隆興元年八月十七日池州

後

駐劄御前諸軍統制邵宏淵入見服再軍中日上遣人所賜帶閤門奏宏淵官不該賜既經特賜閤門初無承受聞報於是宏淵始中詔會十月十四日詔步軍司後軍權統領王世祖乞依閤德寺例賜金帶指揮更不死行令淮東總領所寄教以中書舍人胡銓奏世祖校閱德寺例賜^給賜金帶照得閤德寺三人條一特恩給賜今世祖所乞依逐人例顯是流溢若例與給賜切慮自餘五十餘人攀援浸多僥求不已難以止絕故有是命乾道元年八月二十一日詔皇太子繫通犀玉帶不佩與先是有旨皇太子合繫帶令禮部太常寺日下論矜續檢照典禮皇太子合繫通犀玉帶其典故所載通犀金

玉帶即無制度及佩魚之文故有是命九月二十三日
詔今後除環衛官如係小臣任帶左右郎將許繫紅鞋
帶赴朝參二年四月十九日詔寧武軍節度使開府
儀同三司尤萬壽觀使吳蓋乞賜玉帶可依例繫赴朝
參等五月七日詔閤門簿書王正臣鄭立之為久在殿
陛應奉有勞逐人見闕借到左藏庫金帶並與賜令
繫赴朝參三年二月二十一日權工部侍郎姜誥狀前
任漕臣蒙恩賜金御仙花帶許令繫赴朝參今假攝之
初難以借諭詔免繫赴朝參等只依本班服帶四年十
二月十日詔永陽郡王居廣三賜玉帶許令繫赴朝參
等八年八月十九日詔左諫議大夫姚憲元係六曹侍

郎已賜金帶可令依舊繫赴朝參尋今後準此九年正月二十五日詔賜三士錫已賜玉帶許令繫赴朝參尋十月十八日詔恩平郡王璩已賜玉帶金魚許繫赴朝參尋十二月五日詔中書舍人左右誅議大夫龍圖天章寶文顯謨徽猷散文閣侍制權侍郎許版紅程排方黑犀帶仍佩魚

宗室系

開寶元年二月十九日皇弟晉王及國趙國王錢俶其子惟德射苑中得進御衣金三者至通犀帶以

此條移前頁
高宗紹興三
年上

淳熙七年三月四日詔新知明州范成大朝見許服紫昨賜笏
金帶或以大曾任泰知知事今赴闕奏事上禁其帶佩金魚有司取古
有之命九年九月十七日詔趙伯圭除少保封郡王仍賜玉帶十年十月
十六日詔權侍郎以上罷任不帶職名許服紅鞋排方黑犀帶十二年二

月二十三日詔武臣知州軍官未陞朔者可依文臣守得信服色例許權
兼任右角節候回日依舊十三年二月四日詔新授太傅保寧軍節度使
致仕恩國公文浩賜玉帶令紫赴朝泰淳熙十六年七月十一日詔閩門
宣贊令人帶玉若板管送臣昨在殿陞恩奉日夕所有左藏庫元開借列
金帶一條特令就賜賜與元年五月閩門宣贊令人送與之十月閩門宣
贊令人送與之十一月閩門宣贊令人送與之十二月閩門宣
贊令人送與之十六日詔成忠節大觀特除閩門祇候令祇候庫開金帶一條
許令版紫仍與家便差道紹熙二年正月一日宰執進呈四川制置使京
鏞因任上曰且與加寶文閣侍令再任特賜帶嘉定二年十一月十一日
樞密院劄子勳會已降指揮鎮江軍統制馮樹虛彥各特賜金腰帶一條
許令版紫所令具中取自指揮詔令左藏封樁庫設應取撥給付四年三
月十五日樞密院奏檢會已降指揮鎮江都統司統制官盧彥特賜金束
帶一條詔令封樁庫於見管金束帶內支撥給賜七年二月十一日樞密
院奏勳會鎮江都統司統制蔣世顯赴都堂稟覆職事訖詔蔣世顯特改
差楚州駐劄御前武鋒軍統制填見闕特賜金束帶一條許令版紫仍於
封樁庫日下支給盤纏錢二千貫付蔣世顯起發歸司疾速前去本州管

幹軍馬各具知稟中樞密院十二年正月十二日樞密院閣檢會已降指
揮節文李全特賜金腰帶一條許令服紫詔令封樞庫日下取撥給賜具
知稟中樞密院十二月二十六日詔鄭莊孫昨任閤門看班祇候曾於戶
部闕借金腰帶一條可特與就賜許令服紫十四年五月二十三日奉直
大夫直寶謨閣主管建康府崇禧觀趙不愷詔以不愷行尊年高中外屢
更事任自為司農卿今已十二年理宜優異可特換授保康軍承宣使提
舉祐神觀仍奉朝請賜金帶一條許令服紫

寶

宋會要 尊號寶

每上尊號有司製玉寶以尊號為文真宗大中祥符初
登封太山別製寶匣寶蓋皆差小其制仁宗天聖元年
九月二十二日詔以宮城大重製皇帝受命寶尊號冊
寶參知政事陳佐堯晏殊書

堯佐

徽宗大觀
條移此

高宗紹興三十二年七月一日孝宗已即位未改元禮
部太常寺言六月二十九日詔書節文太上皇帝宜恭
上尊號曰光堯壽聖太上皇帝太上皇后恭上尊號曰
壽聖太上皇后今先次討論條具禮儀一依禮例合差
撰冊又官二員光堯壽聖太上皇帝冊文係差率臣撰
已差尚書左僕射壽聖太上皇后冊文係差執政官撰

乞差知樞密院事一依禮例合差篆寶官二員係差執政官充乞差參知政事同知樞密院事一依禮例合差篆寶官一員係差執政官充乞差參知政事兼並乞朝廷降敕差官施行一合修製冊寶一副依禮例並係用珉玉造寶二鈕光堯壽聖太上皇帝寶係禮例係用玉造壽聖太上皇后係用金造并泐冊寶法物等並乞令工部下文思院修製施行一寶二鈕乞以光堯壽聖太上皇帝之寶十字為文壽聖太上皇后之寶八字為文一合來修製冊寶及將來奉上之禮事體至重依禮例合差禮儀使一員係差宰臣充并合差都大主管官一員係差近上內侍官充朝廷取旨降敕差官施行詔並

書冊

從之凡日禮部太常寺言奉聖旨令文思院修製恭上
太上皇帝太上皇后尊號冊寶并浴冊寶法物等本院
契勘自來即不曾經修製過尊號玉冊制度乞下禮官
討論合修製玉寶範樣大小寸制度尺浴冊寶法物下
院以憑遵守修製施行奉旨令禮部太常寺疾速討論
申尚書省禮部太常寺今討論下項修製光堯壽聖太
上皇帝尊號冊寶今檢准國朝會要奉上尊號冊寶制
度禮例冊用珉玉簡長一尺二寸濶一寸二分檢數從
字之多少聯以金繩首尾結帶前後四枚二枚刻龍鏤
金若捧護之狀藉以錦褥覆以紅羅泥金夾帊冊匣長
廣取容冊塗以朱漆金裝隱起突龍鳳金鏤分銙匣上

見

又以紅羅繡盤龍威金帔覆之承以金裝長竿牀金龍
首金魚鈎藉匣以錦被蓆褥鈕紅絲為條以紫匣冊素
塗朱漆覆之紅羅銷金衣寶用玉篆文廣四寸九分厚
二寸二分填以金盤龍鈕係以暈錦大綬赤小綬連玉
環玉檢高七寸廣二寸四分皆飾以金累以紅錦加紅
羅泥金夾帕納於小盃盃以金裝內設金牀暈錦褥飾
以雜色玻璃碧玉鈿石珊瑚金精石瑪瑙又盃二重皆裝
以金覆以紅羅繡帔載以腰輿行馬並飾以金又有香
爐寶子香是灰起火筋燭臺燭刀皆以金為之以上冊
寶并浴冊寶法物制度乞令工部下文思院參照修製
施行一修製壽聖太上皇后尊號冊寶乞令工部下文

此條移後

思院參照昨給典十三年奉上慈寧殿冊寶修製過冊
寶并公冊寶法物制度修製施行詔依乾道七年正月
加上尊號冊寶制度亦如此制十一日工部言將作監
文思院申會道太常寺檢照國朝會安奉上尊號玉寶
例廣四寸九分厚一寸二分填以金盤龍鈕係用皇祐
中黍尺令蒙降下玉二塊以黍尺打量其大塊可以修
製有旨令文思院依樣疾速製造 孝宗乾道六年十
一月十九日有旨玉寶玉環玉牌各一件令工部下文
思院修製施行二十四日工部據右朝奉大夫提轄文
在文思院未周卿等申契勘本院修修製光先壽聖太
上皇帝壽聖太上皇后尊號冊寶等法物照得給典三

十二年奉上天堯聖太上皇帝玉寶一鈕其寶用篆
文廣四寸九分厚一寸二分盤龍鈕並用皇祐中法尺
量度修製本院今將降下玉寶材璞一件用黍尺量度
得度分寸應得禮文可以修製其寶厚八分半比禮文
少厚三分五厘所有鈕合依盤龍今來降下玉寶材璞
其鈕係瑤龍鈕高二寸四分五釐厚一寸一分五釐竅
透潤一寸難以依昨來禮文修製盤龍止堪改作蹲坐
龍鈕是致未敢興工修製乞下太常寺參詳指定以憑
遵守修製施行所是今來修製上件冊寶并泐寶法物
其應合用工物亦乞參照紹興三十二年已修製過冊
寶并泐寶法物體例更破施行並從之續太寺申今先

次將降下玉材鈕範樣徑寸就行改造躡坐龍鈕草樣
伏乞詳酌降下以憑修製施行及玉竇樣有旨依樣製
造仍限半月畢工二十九日左中大夫參知政事兼同
知樞密院事梁克家進呈篆到先克壽聖憲天體道太
上皇帝壽聖明憲太上皇后尊號竇樣詔依十二月二
日禮部太常寺言勘會已降指揮大禮慶成先克壽聖
太上皇帝壽聖太上皇后加上尊號今先次討論條具
到申請事件一竇二鈕一鈕欲以先克壽聖憲天體道
太上皇帝之竇一十四字為文一鈕欲以壽聖明憲太
上皇后之竇十字為文依禮例候書篆冊竇文官書篆
竇文畢令文思院修製訖本院計會入內內侍有所差

內侍進請御書乞却降付本院修製候修製畢自文思院援衛冊寶赴大慶殿安設係發冊寶前一日所有殿上合設帷次乞令都大主管所行下儀鸞司排辦施行仍乞將射殿作大慶殿一加上尊號冊寶行禮日辰欲乞令工部責限文思院約度修製冊寶畢工期日申太常寺闕太史局選定報禮部太常寺申取朝廷指揮施行詔並依

乾道七年正月及十一日兩條移此

淳熙十六年八月九日禮部太常寺言將來正月一日恭上壽聖皇太后至尊壽皇聖帝日成皇后尊號寶文壽聖皇太后金寶一鈕乞以至尊壽皇聖帝之寶八字為文壽成皇后金寶一鈕乞以壽成皇后之寶六字為

文從之篆書文如樞密院事王簡同知樞密院事葛邲
寶廣四寸七分厚一寸二分填以金盤龍紐光宗紹熙
二年九月二十七日詔高宗皇帝徽號寶文以高宗受
命中興全功至德聖神武文昭仁憲孝皇帝之寶二十
二字為文篆書文參知政事胡晉臣寶用玉廣四寸二
分厚一寸三分坐龍紐係以暈錦大絞連象牙環金鍍
銀稜畔裝以紅羅夾帊納於小蓋以金鍍銀裝內設朱
漆牀暈錦褥又蓋二重皆以朱漆覆以紅羅夾帊並以
纓昇四年九月二十九日禮部太常寺言將來壽聖皇
太后加上尊號金寶一鈕乞以壽聖隆祐備福皇太后
寶以十一字為文從之篆書文參知政事陳

紹興七年二月十二日禮部太常寺言勘會今來迺君
皇帝寧德皇后升遐依故事合修製玉寶合用玉二塊
各方二寸五分并鈕通約高三寸三分詳冊字

高宗紹興三十年十一月十七日禮部言太常寺申
勘會今來迺冊皇后謚號已降勅下本寺除已申請修
製謚號冊寶外內寶文乞以安穆皇后之寶六字為文
詔從之寧宗嘉定十三年九月六日中奉大夫試戶部
尚書兼詳定敕令官兼權吏部尚書薛極言奉旨差篆
景獻太子謚寶文官臣今恭依聖旨篆到寶樣連粘在
前詔令所屬依樣製造

徽宗大觀元年十一月二日詔自昔有尚符璽官今雖

祿門下後省遇親祠則臨時具員訖事復罷八寶既備
宜重典司之職可令尚書省置官如古之制八月詔永
惟受命之符當有一代之制而尚循秦舊六璽之用度
越百年之久或未大備自天中命地不愛寶獲金玉於
異域得妙工於編氓八寶既成夏無前比殆天所授非
人能為可以來年元日御大慶殿恭受八寶十一日詔
八寶初成可於來年正月二十三日後用之尚書省言
請置符寶郎四員祿門下省二員以中人充掌寶於禁
中按唐八寶車駕臨幸則符寶郎奉寶以從大朝會則
捧寶以進今鎮國寶受命寶非常用之器欲臨幸則從
六寶朝會則陳八寶皆夕納內符寶郎捧寶出以授外

符寶郎外符寶郎從寶行於禁衛之內朝則分進于御
座之前

宋會要 傳國寶

元符元年四月七日禮部太常寺言奉詔詳定法寶法
物禮儀今五月朔於故事當大朝會已就大朝會日行
受寶之禮依上尊號寶冊儀有司豫製法寶法物寶進
入俟降出權於寶堂安奉前三日差官奏告天地宗廟
社稷前一日上齋于內殿翌日上服通天冠御大慶殿
降坐受寶羣臣上壽稱賀從之十五日詔龍圖天章閣
齋治平元年耀州所獻受命寶王檢赴都堂叅議十八
日詔五月朔受傳國寶命章惇書王檢十九日詔國寶
檢以天授傳國受命之寶為文九朝長編紀事本末五
受傳國寶行朝會禮已而德青降天下死罪囚徒以下
釋之詔受寶畢可說今月十一日宴于紫宸殿丙寅詔

以六月朔改元為元符初議及元上謂輔臣曰前代元符皆不及元符字皆先世末歲所稱如天寶皆是上曰符即且作元符曾布以為昔天壽降嘗於承天門裏作元符後以大廢則元符之號亦不甚先正月十日白云以書論奏更不欲紛紛故然而止

七日禮部言永興軍咸陽縣民段義斲地得古玉印望

委官講求典故詔尚書禮部御史臺學士院秘書省太

常寺官講求定驗以聞三月十六日翰林院學蔡言等

奏段義稱紹聖三年十二月內於河南鄉劉銀村修造

家舍掘土得之曾有光照滿室錄後錄改夏日雨後村中立門足隔得玉

文如版為之狀臣等按所獻玉璽色綠如藍溫潤如澤

其文曰受命于天既壽永昌其背螭鈕五盤鈕間有小

竅用以貫組又得玉螭首一白如膏亦溫潤其背亦螭

而

說既

鈕五盤鈕間亦有貫組小竅其面無文與璽相合大小不差毫髮篆文工作皆近世所為臣等以歷代正史考之璽文曰皇帝壽昌者晉璽也曰受命于天者後魏璽也有德者昌唐璽也惟德允昌者石晉璽也則說壽永昌者秦璽可知今得璽於咸陽縣其玉乃藍田之色其篆與李斯小篆體合飾以龍鳳鳥魚乃蟲書鳥跡之法於今所傳古書莫可比擬非漢以後所能作明矣今陛下嗣守祖宗大寶而神璽自出其文曰受命于天既壽永昌則天之所畀焉可忽哉漢晉以來得寶鼎瑞物猶告廟改元肆眚上壽况傳國之器乎其必寶法物禮儀乞下所屬施行詔禮部太常寺考按故事詳定以聞至

是行受寶之禮七月十九日禮部言講議王璽官翰林
學士蔣之奇與秘書省御史臺少府將作監官凡十三
員詔之奇賜銀絹一百匹兩餘官各二十疋兩

宋會要

永天受命之寶

太祖受命傳周二寶至太宗又別製永天受命之寶寶
用玉篆文廣四寸九分厚一寸二分填以金盤龍鈕繫
以暈錦大綬赤小綬連玉環玉檢高七寸廣二寸四分
厚四分玉斗方二寸四分皆飾以紅錦金裝裹以紅錦
加紅羅泥金夾帊納於小盃盃以金裝內設金暈錦梅
飾以雜色 珍碧鈿石珊瑚金精石瑪瑙又盃二重皆
裝以金覆以紅羅繡帊載以腰輿及行馬並飾以金又

有香爐寶子香匙灰匙火筋燭刀皆以金為之朝會陳於御座前大禮即列於仗衛中

宋會要

天下合同之寶

太宗雍熙三年十月十一日詔以天下合同之印為天下合同之寶御前之印為御前之寶書詔之印為書詔之寶中書奏覆狀流內銓歷任三代狀用天下合同之寶樞密院宣命諸司奏狀用御前之寶翰林詔勅別錄勅榜用書詔之寶初三寶皆為印鑄以金又以鍮石各鑄其一至是並改為寶別鑄以金舊六印皆毀之

宋會要

御前之寶書詔之寶

徽宗政和六年十一月六日詔御寶自祖宗朝行用至

今垂百五十餘年四角剝缺文篆暗訛幾不可驗恐無
足以示信天下舊有祖宗所藏御前金寶可自冬祀大
禮畢行用今降新舊二寶印文付外可照會仍連新舊
二寶印文高宗建炎二年八月一日詔新鑄天下合同
之寶書詔之寶自今八月三日行使

宋會要 恭膺天命之寶

太宗至道三年十一月二十日

時真宗即位未改元中書門下言

皇帝受命寶請以皇帝恭膺天命之寶為文詔可

真宗乾興元年三月十六日

仁宗已即位未改元禮儀院言皇帝

登位所有受命之寶綬并緣寶法物請下文思院少府
監修製從之參知政事王曾書其文曰恭膺天命之寶

仁宗嘉祐八年六月十三日

英宗即位未改元

翰林學士范鎮

言伏聞大行皇帝受命寶及法寶物與平生衣冠器用皆欲舉而葬之恐非所以稱先帝恭儉之意其受命寶伏乞陛下自寶用之且示所傳者若衣冠器玩則請陳於陵寢及神節殿歲時展視以慰思慕詔檢討官檢尋典故及命兩制禮官詳惠議翰林學士王珪等奏議曰受命寶者猶昔傳國璽也其為天子傳器不當改作古者藏用王衣服於廟寢至於平生器玩則前世既不皆納於虜中亦不盡陳於陵寢謂今宜彼省約以稱先帝恭儉之寶其後帝別作受命寶而所議弗用

宋史與

案制恭儉

命之寶命參知政事歐陽修篆文八字曰皇帝恭儉天命之寶

神宗元豐八年

五月十二日

時哲宗即位未改元

門下侍郎章惇言奉詔篆皇帝

受命寶請以皇帝恭膺天命之寶為文從之

宋會要

天下同文之寶

真宗大中祥符元年五月五日詳定所言按玉牒玉冊用皇帝受命寶印之納玉匱於石臈以天下同文之印封之今封禪泰山請依舊制別造玉寶一枚方寸二分文同受命寶其封石臈用天下同文之印舊史元無制度今請用金鑄大小同御前之寶以天下同文之寶為文所有緣寶法物亦請依式製造其實二枚候封玉匱金匱石臈畢日並進內從之

宋會要

昭受乾符之寶

天禧元年十二月十八日召輔臣於滋福殿觀新刻五
藏聖帝玉寶及皇帝昭受乾符之寶命擇日迎導赴會
靈觀奉安仍令禮儀院詳定儀注以聞寶並金印玉鈕
制作精妙帝以奏章上帝承前皆用御前之寶理亦非
便故改用乾符之寶四年閏十二月二十三日入內供奉
官朱允中言御製御書印三面請用金璫從之玉海
乾符之寶以印案詞

宋會要 欽崇國祀之寶

仁宗慶曆八年十一月三日詔刻皇帝欽崇國祀之寶
宰臣陳執中書天禧中真宗刻昭受乾符之寶而於照
祠表章用之後經大內火寶焚止用御前之寶至是下

學士院定其文命執中書而刻之

宋會要 定命寶

又詔差官奏告宗廟社稷

宋會要 大宋受命中興之寶

紹興元年五月八日內殿宣示大宋受命中興之寶并道君皇帝所獲元圭寶玉明潤無纖瑕追琢精巧上曰此玉今不復得比道君皇帝定命寶猶大半分元圭映日則色紅且白偶今日陰晦卿等不見

宋會要 皇后之寶

考宗隆興元年十月二十六日詔有司備禮冊命皇后其寶文以皇后之寶四字為文撰冊文官一員篆寶文

官一員並降勅差宰執侍從禮部太常寺請撰冊文官
差尚書左僕射陳康伯書冊文官差尚書右僕射湯思
退篆寶文官差參知政事周葵淳熙十六年十二月二
十六日詔冊命皇后其寶文以皇后之寶四字為文篆
文同先稱安院事舊郊寧宗嘉泰二年閏十二月十三日詔令所
屬依樣造皇后之寶

宋會要

皇太子寶

至道元年八月二十一日命賈黃中撰冊文王旦呂祐
之書冊寶二十五日太常禮院言皇太子受冊金寶一
按禮儀羅寶以黃金為之其法物乞下文思院約
禮修製從之孝宗乾道元年八月十四日禮部太常寺

言討論到立皇太子典禮依禮例寶文以皇太子寶四字為文詔從之簽寶文簽書樞密院事華 皇太子

受冊金寶按禮儀羅寶以黃金為之係龜鈕其必寶法物乞下文思院修製並從之仍令工部行下文思院疾速修製七年二月十一日禮部太常寺言今討論到皇太子受冊合行典禮下項一依禮例寶文合以皇太子寶四字為文詔並依十六日詔皇太子冊寶差禮部尚書劉章撰戶部尚書曾懷書工部侍郎胡銓篆先是虞允文奏乾道元年洪适例乞差梁克家撰皇太子冊文梁克家曰奏時無宰相故以命适上曰此却不比加上尊號若命宰相恐失之太重耳虞允文奏曰容臣等退檢

典故取旨既而進呈國朝故事皇太子冊文皆從官書
撰上猶以命梁克家克家固辭虞允文奏曰洪适有近
例非所當辭梁克家奏曰故事具在适失於檢照耳臣
不敢奉詔上曰卿具取從官姓名來至是進呈故有是
命

宋會要 親王之寶

唐制諸司皆用銅印宋因之諸王印方二寸一分塗以
金

全唐文

宋會要

鼎

祭鼎篇云崇寧三年二月以逸士魏漢津言備萬物
之象鑄鼎九四年三月告成與御製九鼎記年月不同
蔡條國史後補與記同與會要不同今以會要為據於
三年二月未載始鑄九鼎并取御製九鼎記及蔡條云
云附此後御製九鼎記其略曰朕荷天顧誕相時揆事
庶幾有成然世俗單見淺聞之士駭心愕聽胥動以言
朕取成於心請命上帝屏斥邪言乃詔有司庀徒趨事
以崇寧四年乙酉三月戊戌朔二十有一日戊午即國
之南鑄之中曰帝萬

後改為
隆萬

金二十二萬斤鎔冶之又

中夜起視矣光屬天一鑄而就上則日月星辰雲物中

則宗廟朝廷臣民下則山川原隰墳衍承以神人盤以

蛟龍飾以黃金覆以重屋既而群鷗來儀翔舞其上甘

露感格於重屋之下不遷之器萬世永固萬物東作於

時為春故作蒼鼎後改曰青以奠齊魯萬物南訖於時為夏

故作彤鼎後改曰明以奠荆楚平秩西成於時為秋故作晶

鼎後改曰進以奠秦陝平在朔易於時為冬故作寶鼎後改曰寶以

奠燕趙西北之區為乾物以資始鼎曰魁鼎後改曰健西南

之區為坤物以資生鼎曰阜後改曰順東北之區為艮艮為

終始鼎曰牡鼎後改曰解東南之區為巽巽以申命鼎曰風

鼎後改曰澤于以贊天地之化協乾坤之用道四時之和遂

品物之宜消水旱之變弭兵甲之患一夷夏之心定世

祚之永非上帝博臨宗廟眷祐何以臻此詔於帝廟宮

立大角禹星祠以尊迎景既係正月七月甲辰製造大

樂局鑄帝駕八禹成宣成郎大司樂劉炳轉一官賜五

品服冲顯處士大樂府師授大樂局製造官魏漢津為

冲顯寶應先生八月甲申奉安九禹于九成宮乙酉幸

九成宮酌獻祭條五行篇崇寧四年三月鑄九禹其

成宮置日車駕幸之以禮焉至北方曰寶禹者上方裝

香再拜而禹忍滿其中水既於外照禹金既厚氣寸水

又久任其中不應及上行禮而作故魯公私惟之殊不

樂於是劉炳言曰禹之水土皆取九州之地中獨寶

禹取水土於雄州白溝之界無燕之正方也直九

月乙未朔以九禹成御大慶殿受賀始用新樂已亥大

故天下制曰朕承祖宗之烈宅兆民之上任大守重靡
敢違寧思持盈守成之至難念繼志述事之攸濟選用
衆正共圖康功內則講脩憲章興熙豐既墜之典外則
攘却戎狄復版圖已棄之疆恢難泮以賓賢能招廢冗
以收遺逸隆九廟以尊祖武五兵以阜民荷天降康方
憂綏靖星軌順序年穀屢豐南至夜郎梓柯西逾積石
青海嚮風請吏稽首未庭永惟天命之至隆宜有靈承
之丕應若時夏后幽贊成能命九州之牧而貢金匱三
才之命而制器是為大寶三代奉之千載已還百王敢
議廼者得隱逸之士於草茅之賤窮制作之妙於範圍
之先乃因天之機以身為度坯大衆以立極興神物以

群
群

前民上承天休下應坤載以篤邦家之慶以協神人之
和宜大澤之肆均與郡生而共慶可大赦天下於戲有
典有則贊禹之功卜世卜年過周之歷惟天之所祚者
厚則澤之所施者鴻布告邇遐宜體朕意乙巳冲顯寶
應先生太樂府師授製造九鼎官魏漢津為虛和冲顯
寶應先生秩比中散大夫賜宅一區田六十頃銀絹各
五百疋兩大司樂兼同詳定大樂書劉炳轉三官承務
郎張阜轉承事郎左藏庫使副俞頤等二十二人各轉
一官大將王恂等六人授三班借職皆以九鼎成推恩
故也政和六年九月癸卯詔奉安九鼎以大師蔡京為
定鼎禮儀使提舉官楊戩就兗都大管勾

蔡條云政和
六年方上王

仔昔獻議九鳥儀內之九重不宜處於外也一日出
華曰遷後神像大器可令疾速安排既已施行尊公曰
何不詳報不
春改日定焉
十月己卯天章閣奉安九鳥十一月甲

午詔帝鳥改為隆鳥正南形鳥為明鳥西南阜鳥為順
鳥正西晶鳥為益鳥西北魁鳥為健鳥正北寶鳥依舊
東北牝鳥為蘇鳥正東蒼鳥為育鳥東南風鳥為潔鳥
鳥閣為圓象徽謂之閣閣上神象左周鳥星君中帝席
星君右大角星君閣下鳥鳥神像各守逐鳥排列用方
士王仔昔建議也重和元年二月辛卯御筆左右街道
錄院差戚儀道士三百人赴禮制局製造所迎尊神霄
飛雲鳥赴上清寶籙宮袖霄殿奉安先是七年七月詔
禮制製造所造太極飛雲洞叔之鳥蒼壺祀天貯醇酒

之禹山嶽五神之禹精明洞淵之禹天地陰陽之禹混
沌之禹浮光洞天之禹靈光晃耀鍊神之禹蒼龜大蛇
蟲魚金輪之禹自十月十日始鑄至是奉安十年月已
卯詔九禹新名乃狂人妄有改革皆無稽據宜復舊名
園象徵調閣仍舊狂人指王仔昔也

全唐文

中興禮書 洗制

三禮圖舊圖云洗高三尺口徑一尺五寸足徑三尺中
身小疏中士以鐵為之大夫以上銅為之諸侯白金飾
天子黃金飾案士冠禮云洗承盥洗者弁水之器也今
既用木為洗以金飾口緣朱中其外油畫水文菱花及
魚以飾之紹興製造禮器圖洗重八斤八兩通足高五
寸七分口徑一尺三寸六分深二寸九分足口徑八寸
九分盥洗之器所為設也有施於祭祀者有施於冠昏
者盥以盛水勺以挹水以洗受弁水者惡其弃於地也
三禮圖洗高三尺諸侯士大夫以銅鐵白金之飾為差

洗畫水文菱花畫朵雲之象猶襲舊圖未知所擬今
博古圖所載畫為饗餐雪文而洗若蓮魚之飾形製高
古宜為定式

宋會要百官佩綬

保

神宗元豐二年詳定朝會儀注所言古者制禮上物不過十二天之數也自上而下降殺以兩畿外諸侯遠於尊者而伸則以九以七以五從陽奇之數五朝公卿大夫近於尊者而屈則以八以六以四從陰偶之數本朝衣服令通天冠二十四梁為乘輿服以應冕旒前後之數若人臣之冠則自五梁而下與漢唐少異矣至於綬則乘輿及皇太子以織成諸臣用帛為之一品二品冠五梁中書門下加龍中貂蟬諸司三品三梁四品五品二梁御史臺四梁兩省五品亦三梁而綬有暈錦黃獅子方勝練鵲四等之殊六品則去佩綬今之令式或尚用品雖因襲舊文然以官言之類為所謬乞分官為七等冠綬亦如之貂蟬籠巾七梁庭天下樂暈錦綬為第一等蟬舊以玳瑁為胡蝶狀今請改為黃金附蟬宰相親王使相三師三公服之七梁冠雜花暈錦綬為第二等樞密院至太子太師服之六梁冠方勝宜男錦綬為第三等僕射至龍圖天章寶閣直學士服之五梁冠翠毛錦綬為第四等左右散騎侍武殿中少府將作監服之四梁冠簇四鴨錦綬為第五等宰省使至諸行郎中服之三梁冠黃獅子錦綬為第六等皇城以下諸司使至諸衛率府率服之今參酌自內常侍以下冠服各

從本等壽資者如本官入內侍省內東西頭供奉官殿頭三使臣陪位
京官為第七等皆二梁方勝紋鶴錦綬高品以下服色依古者釋鞍鳥
屨並從裳色今制朝服用絳衣而錦有十九等其七等綬謂宜純用紅錦
以文采高下為差別惟法官綬用青地荷蓮錦以別諸臣

全唐文

宋會要

魚袋唐制散官二品京官文武職事五品已上及都督
刺史皆佩 國初其制多闕太宗雍熙元年南郊畢內
出以賜近臣由是內外陞朝文武官皆佩九服紫者飾
以金服緋者飾以銀庭賜紫者給金塗銀者賜緋亦有
特給京官幕職州縣官賜緋者亦佩親王武官內職
將校皆不佩 真宗大中祥符六年詔伎術官未陞朝
賜緋紫者不得佩魚袋 仁宗天聖二年十月十四日
翰林侍詔太子中舍同正王文度因勒碑賜紫章服以
舊佩銀色請佩金魚 帝曰先朝不許伎術人輒佩魚

以別士類不令混淆宜却其請 景祐三年八月五日
詔殿中省尚藥奉御賜紫徐安仁特許佩魚 至和元
年十一月四日詔中書提點五房公事自今雖無出身
亦聽佩魚舊制自選人入為堂後官轉至五房提點始
得佩魚提點五房呂惟和非選人入授司天監五官正
例求佩魚特許之已上出國神宗元豐二年五月二十
六日蒲宗孟除翰林學士上曰學士職清地近非他官
比而官儀未寵自今宜加佩魚遂著為令 三年十月
十六日詔自今中書堂後官並帶賜緋魚袋餘依舊例
徽宗大觀三年六月十日詔昨降旨揮除學士待制
舊班高者聽從高合佩魚乃許佩緣元豐品秩次序悉

合其宜所有已降旨揮更不施行 政和元年十一月
十七日尚書兵部侍郎王詔奏今監司守倅等並許借
服色而不許佩魚卽是有服而無章殆與吏無別乞今
後應借緋紫臣僚並許隨服色佩魚仍各許入衙候回
日依舊服色從之

以上續國朝會要
興統道會要無此門

宋會要節

神宗熙寧五年詔新定節并修鎮並降敕太常寺相此節節下左右金吾衛仗司驛院給執事人負鞍馬 紹興三年五月辛未賜劉光世兩鎮節度使印及別錫寧國軍旌節自是為例

乾道會要

凡命節度使有司給門旗二旌一節一麾鎗二豹尾二旗以梅紅新上設
揮尾鐵鑽並用鑽擺黑漆杠旌用銅鳩頭黑漆杠梅紅絹畫白虎頂設黑
漆圓盤周用塗金飾節亦用黑漆杠上設黑漆圓盤三層周用梅紅生絲
紮釘以紫綾夾袋又加碧油絹袋塵槍各用黑漆杠上設黑漆圓盤周以
塗金飾紫絹袋又加碧絹袋豹尾以黑漆杠用布彩畫豹文 乾道會要題
注孝宗紹興三十二年 未改元八月一日詔慈寧節節令迎詔天章閣安
奉從禮部太常寺請也

國朝會要

衛士帽

大駕鹵簿內執轡者並錦絡衫帽駕士及王公以下折
衝及執稍者副筆竿人執駕弩箭人執引駕龍塼旗六
軍旗者俱服錦帽金吾押衙服金鵝帽金吾執燧者服
烏紗帽金吾探稍者服錦袍引夾旗及執柯舒鎗仗者
服帖金帽

國朝會要

全唐文

雜會要

鳴鞭唐五代有之周官條狼氏執鞭趨辟之遺法也內侍二人執之鞭稍用紅絲而漬以蠟行幸則前騎而鳴之祀禮畢還宮亦用焉視朝燕會則用於殿庭紹興十三年親饗太廟命去神位百步之內毋得鳴鞭十五年正旦朝會帝出東閣

御大慶殿上鳴鞭以殿小非在京比乃免

全唐文

宋繪要

馬珂之制銅面鵬翎鼻拂拳冑上綴銅杏葉紅絲拂入
冑前及腹下皆有攀綴銅鈴後有跋塵錦包尾獨函簿
中金吾衛將軍導駕者皆有之

全唐文

微

宋會要

古張帛避雨之制今有方織大織皆亦剪紫表朱裏四
角銅螭首六引內者其制差小蓋本黃帝時有雲氣為花螭之象
因而作也 織凡人臣通用以青絹為之國初京城內
獨親王得用太宗太平興國中宰相樞密使始用之其
後近臣及內命婦出入皆用真宗大中祥符五年九月
十二日詔除宗室外其餘悉禁六年六月四日詔復許
中書樞密院用焉京城外則庶官通用高宗建炎三年
二月二十二日執政官張浚葉夢得顏岐盧益路允迪
言扈從車駕駐蹕杭州方在兵間禮宜簡便乞權免張

蓋侯回鑿日依舊從之紹興六年十二月二十二日詔
今後前宰相到闕特許張蓋十四年十一月四日閤門
言每駕出或四孟朝獻沿路如遇雨雪得旨從隨駕臣
僚許用雨具禁衛內行馬首許告報皇城司差親從臣
轉接油衣報繳從之孝宗乾道八年五月六日詔新除
檢校大保大同軍節度使提舉萬壽觀蒲察久病方安
特許令張蓋孝宗乾道元年八月二十一日禮部太常
寺言皇太子府左右春坊申皇太子赴後殿謝次赴德
壽宮謝合與不合用繳扇圍子等今檢照典故下項一
繳人臣適用以青絹為之國初京城內獨親王得用
一諸王儀物視宰相張青繳蓋繡鞍鞵以親事官呵哄

而已政和三年春二月乃賜二王三接青羅織一紫羅
大掌扇二塗金花鞍鞵若茶燎水罐凡儀物皆用塗金
以壯維城之固是後遂為故事舊諸王不施絨座宣和
末亦賜之令討論皇太子織扇合見行供使織扇外所
有圍子即無典故該載弄搃武功大夫張孝傑言首記
欽宗為定王日出閣過東宮受皇太子冊織用三營青
羅掌扇四柄係紫花羅一行從物係依親王即不曾用
圍子詔並從之九月二十四日皇太子府左右春防狀
契勘皇太子妃已受告畢所有出入合用乘座檐子并
織扇等乞下有司討論今據張孝傑狀首記政和六年
皇太子妃每遇出入係乘檐子竿樑係黑漆角獸白藤

織花面掌扇四柄係茜紅羅檐子前係小殿侍二人抱
鍍金銀香球人從係皇太子府親事官革官前抱從物
又近前係教駿兵士呵止織用三層青羅詔依令工部
製造享熙十六年四月二十四日詔新除檢校大保依
前奉國軍節度使提舉萬壽觀夏執中特許令張蓋

孝宗乾道八
年五月六日
條移此